



Broj: 10-05-15390/17
Sarajevo, 02.08.2017. godine

SKUPŠTINA KANTONA SARAJEVO

PREDMET : *Odgovor na zastupničko pitanje*

Zastupnica Selma Filipović je na 28. Radnoj sjednici Skupštine Kantona Sarajevo, održanoj 26.04.2017. godine, u okviru tačke Dnevnog reda "Zastupnička pitanja, inicijative i odgovori", postavila zastupničko pitanje upućeno Ministarstvu pravde Kantona Sarajevo i Vladi Kantona Sarajevo, koje je od strane Ministarstva pravde i uprave Kantona Sarajevo proslijedeno Ministarstvu zdravstva Kantona Sarajevo na nadležno postupanje, obzirom da se isto odnosi na djelokrug poslova ovog ministarstva, a koje glasi:

„Kako je Parlament FBiH donio Odluku o preuzimanju osnivačkih prava nad Univerzitetsko-kliničkim bolnicama u FBiH, što je i objavljeno u Službenim novinama Federacije BiH br. 67/13, kojom je Parlament FBiH preuzeo osnivačka prava i nad Kliničkim centrom Univerziteta u Sarajevu, te obavezao Kantone i FBiH da svoje međusobne odnose u smislu regulisanja prava, obaveza i odgovornosti između osnivača, jednog ili više kantona i Federacije BiH zajedno nad Univerzitetsko-kliničkim bolnicama regulišu posebnim ugovorom, ovim putem Vas pitam, da li postoji takav ugovor, ako ne postoji, u kojoj je fazi izrada istog, te da li postoje ikakve pravne reprekusije nepotpisivanja ovakvog ugovora po Kanton Sarajevo, u smislu preuzimanja prava osnivača od strane Federacije BiH.“

U vezi sa postavljenim zastupničkim pitanjem dostavljamo sljedeći

O D G O V O R

Skupština Kantona Sarajevo je na svojoj sjednici, održanoj dana 15.05.2013. godine, donijela Odluku o preuzimanju prava i obaveza osnivača i uskladivanju organizacije i poslovanja Javne ustanove Klinički centar Univerziteta u Sarajevu („Službene novine Kantona Sarajevo“, broj 20/13), kojom preuzima prava i obaveze Kliničkog centra Univerziteta u Sarajevu sa suosnivačima: Federacija BiH i jednim ili više kantona u Federaciji BiH, s tim da se međusobni odnosi, prava i obaveze suosnivača Kliničkog centra Univerziteta u Sarajevu regulišu posebnim ugovorom.

Ministarstvo zdravstva Kantona Sarajevo ne raspolaže sa informacijom da su ostali kantoni suosnivači Kliničkog centra Kantona Sarajevo poduzeli aktivnosti po ovom pitanju, odnosno da li su donijeli odluke kojima preuzimaju prava i obaveze Kliničkog centra Univerziteta u Sarajevu.

Nakon što svi suosnivači donesu navedene odluke moći će se pristupiti zaključenju ugovora kojim će se regulisati međusobni odnosi, prava i obaveze između suosnivača Kliničkog centra Univerziteta u Sarajevu.

Obzirom da se radi o ustanovi čiji su osnivači Federacija BiH i više kantona, Federalno ministarstvo zdravstva bi trebalo koordinirati sve aktivnosti oko zaključenja navedenog ugovora.

S poštovanjem,

M I N I S T R I C A

Zilha Ademaj, dipl. oec.



web: <http://mz.ks.gov.ba>

e-mail: mz@mz.ks.gov.ba

Tel: + 387 (0) 33 562-104, Fax: + 387 (0) 33 562-243
Sarajevo, Reisa Džemaludina Čauševića 1

